

## 第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿  
妙覺-普光明殿



## 六. 等覺 - 普光明殿

本體	佛	十定品
	法	十通品
	僧	十忍品
力用	佛	阿僧祇品
	法	如來壽量品
	僧	菩薩住處品



# 華嚴經十忍品之一

諸佛皆說 十種忍		爾時，普賢菩薩告諸菩薩言：佛子！菩薩摩訶薩有十種忍，若得此忍，則得到於一切菩薩無礙忍地，一切佛法無礙無盡。何者為十？所謂：音聲忍、順忍、無生法忍、如幻忍、如焰忍、如夢忍、如響忍、如影忍、如化忍、如空忍。此十種忍，三世諸佛已說、今說、當說。（諸佛說者，依佛而立故）
佛	音聲忍	佛子！云何為菩薩摩訶薩音聲忍？謂聞諸佛所說之法不驚、不怖、不畏，深信悟解，愛樂趣向，專心憶念，修習安住。是名菩薩摩訶薩第一音聲忍。
法	順忍	佛子！云何為菩薩摩訶薩順忍？謂於諸法，思惟觀察，平等無違，隨順了知，令心清淨，正住修習，趣入成就。是名菩薩摩訶薩第二順忍。
僧	無生法忍	佛子！云何為菩薩摩訶薩無生法忍？佛子！此菩薩摩訶薩不見有少法生，亦不見有少法滅。何以故？若無生則無滅，若無滅則無盡，若無盡則離垢，若離垢則無差別，若無差別則無處所，若無處所則寂靜，若寂靜則離欲，若離欲則無作，若無作則無願，若無願則無住，若無住則無去無來。是名菩薩摩訶薩第三無生法忍。
精進波羅蜜	佛	佛子！云何為菩薩摩訶薩如幻忍？佛子！此菩薩摩訶薩知一切法，皆悉如幻，從因緣起，於一法中解多法，於多法中解一法。此菩薩知諸法如幻已，了達國土，了達眾生，了達法界，了達世間平等，了達佛出現平等，了達三世平等，成就種種神通變化。
	法	譬如幻，非象、非馬，非車、非步，非男、非女，非童男、非童女，非樹、非葉、非華、非果，非地、非水、非火、非風，非晝、非夜，非日、非月，非半月、非一月，非一年、非百年，非一劫、非多劫，非定、非亂，非純、非雜，非一、非異，非廣、非狹，非多、非少，非量、非無量，非麤、非細，非是一切種種眾物；種種非幻，幻非種種，然由幻故，示現種種差別之事。菩薩摩訶薩亦復如是，觀一切世間如幻，所謂：業世間、煩惱世間、國土世間、法世間、時世間、趣世間、成世間、壞世間、運動世間、造作世間。
	僧	菩薩摩訶薩觀一切世間如幻時，不見眾生生，不見眾生滅；不見國土生，不見國土滅；不見諸法生，不見諸法滅；不見過去可分別，不見未來有起作，不見現在一念住；不觀察菩提，不分別菩提；不見佛出現，不見佛涅槃；不見住大願，不見入正位，不出平等性。
	成就	是菩薩雖成就佛國土，知國土無差別；雖成就眾生界，知眾生無差別；雖普觀法界，而安住法性寂然不動；雖達三世平等，而不違分別三世法；雖成就蘊、處，而永斷所依；雖度脫眾生，而了知法界平等無種種差別；雖知一切法遠離文字不可言說，而常說法辯才無盡；雖不取著化眾生事，而不捨大悲，為度一切轉於法輪；雖為開示過去因緣，而知因緣性無有動轉。是名菩薩摩訶薩第四如幻忍。
禪定	如焰忍	佛子！云何為菩薩摩訶薩如焰忍？佛子！此菩薩摩訶薩知一切世間同於陽焰。譬如陽焰，無有方所，非內、非外，非有、非無，非斷、非常，非一色、非種種色亦非無色，但隨世間言說顯示。菩薩如是如實觀察，了知諸法，現證一切，令得圓滿。是名菩薩摩訶薩第五如焰忍。
般若波羅蜜	如夢忍	佛子！云何為菩薩摩訶薩如夢忍？佛子！此菩薩摩訶薩知一切世間如夢。譬如夢，非世間、非離世間，非欲界、非色界、非無色界，非生、非沒，非染、非淨，而有示現。菩薩摩訶薩亦復如是，知一切世間悉同於夢，無有變異故，如夢自性故，如夢執著故，如夢性離故，如夢本性故，如夢所現故，如夢無差別故，如夢想分別故，如夢覺時故。是名菩薩摩訶薩第六如夢忍。

## 華嚴經十忍品之二

方便波羅蜜	如響忍	佛	佛子！云何為菩薩摩訶薩如響忍？佛子！此菩薩摩訶薩聞佛說法，觀諸法性，修學成就，到於彼岸；知一切音聲，悉同於響，無來無去，如是示現。
		法	佛子！此菩薩摩訶薩觀如來聲，不從內出，不從外出，亦不從於內外而出；雖了此聲非內、非外、非內外出，而能示現善巧名句，成就演說。
		僧	譬如谷響，從緣所起，而與法性無有相違，令諸眾生隨類各解而得修學。如帝釋夫人阿脩羅女，名曰舍支，於一音中出千種音，亦不心念令如是出。菩薩摩訶薩亦復如是，入無分別界，成就善巧隨類之音，於無邊世界中恒轉法輪。
		成就	此菩薩善能觀察一切眾生，以廣長舌相而為演說，其聲無礙，遍十方土，令隨所宜，聞法各異；雖知聲無起而普現音聲，雖知無所說而廣說諸法；妙音平等，隨類各解，悉以智慧而能了達。是名菩薩摩訶薩第七如響忍。
願波羅蜜（境界自在）	如影忍	本體	佛子！云何為菩薩摩訶薩如影忍？佛子！此菩薩摩訶薩，非於世間生，非於世間沒；非在世間內，非在世間外；非行於世間，非不行世間；非同於世間，非異於世間；非往於世間，非不往世間；非住於世間，非不住世間；非是世間，非出世間；非修菩薩行，非捨於大願；非實，非不實。雖常行一切佛法，而能辦一切世間事，不隨世間流，亦不住法流。
		力用	譬如日月、男子、女人、舍宅、山林、河泉等物，於油、於水、於身、於寶、於明鏡等清淨物中而現其影。影與油等，非一、非異，非離、非合，於川流中亦不漂度，於池井內亦不沈沒，雖現其中，無所染著。然諸眾生，知於此處有是影現，亦知彼處無如是影；遠物、近物雖皆影現，影不隨物而有近遠。菩薩摩訶薩亦復如是，能知自身及以他身，一切皆是智之境界，不作二解，謂自、他別，而於自國土、於他國土，各各差別，一時普現。
		和合	如種子中，無有根芽、莖節、枝葉，而能生起如是等事。菩薩摩訶薩亦復如是，於無二法中分別二相，善巧方便，通達無礙。是名菩薩摩訶薩第八如影忍。
		成就	菩薩摩訶薩成就此忍，雖不往詣十方國土，而能普現一切佛刹；亦不離此，亦不到彼，如影普現，所行無礙；令諸眾生見差別身，同於世間堅實之相，然此差別即非差別，別與不別無所障礙。此菩薩從於如來種性而生，身、語及意清淨無礙，故能獲得無邊色相清淨之身。
力波羅蜜（智自在）	如化忍	佛波羅蜜	佛子！云何為菩薩摩訶薩如化忍？佛子！此菩薩摩訶薩知一切世間皆悉如化。所謂：一切眾生意業化，覺想所起故；一切世間諸行化，分別所起故；一切苦樂顛倒化，妄取所起故；一切世間不實法化，言說所現故；一切煩惱分別化，想念所起故；復有清淨調伏化，無分別所現故；於三世不轉化，無生平等故；菩薩願力化，廣大修行故；如來大悲化，方便示現故；轉法輪方便化，智慧無畏辯才所說故。（十種一切世間如化）
		法波羅蜜	菩薩如是了知世間、出世間化，現證知，廣大知，無邊知，如事知，自在知，真實知，非虛妄見所能傾動，隨世所行亦不失壞。譬如化，不從心起、不從心法起，不從業起、不受果報，非世間生、非世間滅，不可隨逐、不可攬觸，非久住、非須臾住，非行世間、非離世間，不專繫一方，不普屬諸方，非有量、非無量，不厭不息、非不厭息，非凡、非聖，非染、非淨，非生、非死，非智、非愚，非見、非不見，非依世間、非入法界，非點慧、非遲鈍，非取、非不取，非生死、非涅槃，非有、非無有。

# 華嚴經十忍品之三

力波羅蜜（智自在）	如化忍	僧波羅蜜		菩薩如是善巧方便，行於世間修菩薩道，了知世法，分身化往；不著世間，不取自身，於世、於身無所分別；不住世間，不離世間；不住於法，不離於法；以本願故，不棄捨一眾生界，不調伏少眾生界。不分別法；非不分別，知諸法性無來無去，雖無所有而滿足佛法，了法如化非有非無。
		成就兩種功德		佛子！菩薩摩訶薩如是安住如化忍時，悉能滿足一切諸佛菩提之道，利益眾生。是名菩薩摩訶薩第九如化忍。
		所作悉同於化（用）	一切化法成就（體）	菩薩摩訶薩成就此忍，凡有所作悉同於化，譬如化士，於一切佛刹無所依住，於一切世間無所取著，於一切佛法不生分別，而趣佛菩提無有懈怠，修菩薩行離諸顛倒，雖無有身而現一切身，雖無所住而住眾國土，雖無有色而普現眾色，雖不著實際而明照法性平等圓滿。
智波羅蜜（法界自在）	如空忍（十波羅蜜本體）	涅槃十波羅蜜（虛空忍智）		佛子！云何為菩薩摩訶薩如空忍？
		佛		佛子！此菩薩摩訶薩了一切法界猶如虛空，以無相故；
		法		一切世界猶如虛空，以無起故；
		僧		一切法猶如虛空，以無二故；
		精進		一切眾生行猶如虛空，無所行故；
		禪定		一切佛猶如虛空，無分別故；
		般若		一切佛力猶如虛空，無差別故；
		方便		一切禪定猶如虛空，三際平等故；
		願		所說一切法猶如虛空，不可言說故；
		力		一切佛身猶如虛空，無著無礙故。
		智		菩薩如是，以如虛空方便，了一切法皆無所有。
	菩薩十波羅蜜（如虛空三業）	總說		佛子！菩薩摩訶薩以如虛空忍智了一切法時，得如虛空身、身業，得如虛空語、語業，得如虛空意、意業。（得如虛空身語意業）
		佛		譬如虛空，一切法依不生不歿；菩薩摩訶薩亦復如是，一切法身不生不歿。
		法		譬如虛空，不可破壞；菩薩摩訶薩亦復如是，智慧諸力不可破壞。
		僧		譬如虛空，一切世間之所依止而無所依；菩薩摩訶薩亦復如是，一切諸法之所依止而無所依。
		精進		譬如虛空，無生無滅，能持一切世間生滅；菩薩摩訶薩亦復如是，無向無得，能示向得，普使世間修行清淨。
		禪定		譬如虛空，無方無隅，而能顯現無邊方隅；菩薩摩訶薩亦復如是，無業無報，而能顯示種種業報。
		般若		譬如虛空，非行非住，而能示現種種威儀；菩薩摩訶薩亦復如是，非行非住，而能分別一切諸行。
		方便		譬如虛空，非色、非非色，而能示現種種諸色；菩薩摩訶薩亦復如是，非世間色、非出世間色，而能示現一切諸色。

# 華嚴經十忍品之四

智波羅蜜（法界自在）	如空忍（十波羅蜜本體）	菩薩十波羅蜜（如虛空三業）	願	譬如虛空，非久非近，而能久住，現一切物；菩薩摩訶薩亦復如是，非久非近，而能久住，顯示菩薩所行諸行。	
			力	譬如虛空，非淨非穢，不離淨穢；菩薩摩訶薩亦復如是，非障非無障，不離障無障。	
			智	譬如虛空，一切世間皆現其前，非現一切世間之前；菩薩摩訶薩亦復如是，一切諸法皆現其前，非現一切諸法之前。	
		無普有入邊際法		譬如虛空，普入一切而無邊際；菩薩摩訶薩亦復如是，普入諸法而菩薩心無有邊際。何以故？菩薩所作如虛空故。 謂所有修習、所有嚴淨、所有成就皆悉平等，一體、一味、一種，分量如虛空，清淨遍一切處。如是證知一切諸法，於一切法無有分別，嚴淨一切諸佛國土，圓滿一切無所依身，了一切方無有迷惑，具一切力不可摧壞，滿足一切無邊功德，已到一切甚深法處，通達一切波羅蜜道，普坐一切金剛之座，普發一切隨類之音，為一切世間轉於法輪未曾失時。是名菩薩摩訶薩第十如空忍。	
	如空忍（十波羅蜜身）	涅槃十波羅蜜身	根本智	菩薩摩訶薩成就此忍，得無來身，以無去故； 得無生身，以無滅故；得無動身，以無壞故； 得不實身，離虛妄故；得一相身，以無相故；	
				精進	得無量身，佛力無量故；得平等身，同如相故；
				禪定	得無差別身，等觀三世故；得至一切處身，淨眼等照無障礙故；
			般若	得離欲際身，知一切法無合散故；	
			方便	得虛空無邊際身，福德藏無盡如虛空故；	
			願	得無斷無盡法性平等辯才身，知一切法相唯是一相，無性為性如虛空故；	
			力	得無量無礙音聲身，無所障礙如虛空故；	
			智	得具足一切善巧清淨菩薩行身，於一切處皆無障礙如虛空故；	
			菩薩波羅蜜身	佛	得一切佛法海次第相續身，不可斷絕如虛空故；
		法		得一切佛刹中現無量佛刹身，離諸貪著如虛空無邊故；	
		僧		得示現一切自在法無休息身，如虛空大海無邊際故；	
		精進		得一切不可壞堅固勢力身，如虛空任持一切世間故；	
		禪定		得諸根明利如金剛堅固不可壞身，如虛空一切劫火不能燒故；	
		般若		得持一切世間力身，智慧力如虛空故。	
				…（疑缺文）	
		普賢菩薩說偈結會			佛子！是名菩薩摩訶薩十種忍。 爾時，普賢菩薩摩訶薩欲重宣其義而說頌言：（百另七偈結會）
		佛十波羅蜜	音響忍	佛	譬如世有人，聞有寶藏處，以其可得故，心生大歡喜。
	法			如是大智慧，菩薩真佛子，聽聞諸佛法，甚深寂滅相。	
	僧			聞此深法時，其心得安隱，不驚亦不怖，亦不生恐懼。	
精進	大士求菩提，聞斯廣大音，心淨能堪忍，於此無疑惑。				
禪定	自念以聞此，甚深微妙法，當成一切智，人天大導師。				
般若	菩薩聞此音，其心大歡喜，發生堅固意，願求諸佛法。				

# 華嚴經十忍品之五

佛波羅蜜	音響忍	方便	以樂菩提故，其心漸調伏，令信益增長，於法無違謗。
		願	是故聞此音，其心得堪忍，安住而不動，修行菩薩行。
		力	為求菩提故，專行向彼道，精進無退轉，不捨眾善軌。
		智	以求菩提故，其心無恐懼，聞法增勇猛，供佛令歡喜。
法十波羅蜜	順忍	佛	如有大福人，獲得真金藏，隨身所應服，造作莊嚴具。
		法	菩薩亦如是，聞此甚深義，思惟增智海，以修隨順法。
		僧	法有亦順知，法無亦順知，隨彼法如是，如是知諸法。
		精進	成就清淨心，明徹大歡喜，知法從緣起，勇猛勤修習。
		禪定	平等觀諸法，了知其自性，不違佛法藏，普覺一切法。
		般若	志樂常堅固，嚴淨佛菩提，不動如須彌，一心求正覺。
		方便	以發精進意，復修三昧道，無量劫勤行，未曾有退失。
		願	菩薩所入法，是佛所行處，於此能了知，其心無厭怠。
		力	如無等所說，平等觀諸法，非不平等忍，能成平等智。
		智	隨順佛所說，成就此忍門，如法而了知，亦不分別法。
僧十波羅蜜	無生法忍	佛	三十三天中，所有諸天子，共同一器食，所食各不同。
		法	所食種種食，不從十方來，如其所修業，自然咸在器。
		僧	菩薩亦如是，觀察一切法，悉從因緣起，無生故無滅，
		精進	無滅故無盡，無盡故無染，於世變異法，了知無變異，
		禪定	無異則無處，無處則寂滅，其心無染著，願度諸群生。
		般若	專念於佛法，未嘗有散動，而以悲願心，方便行於世。
		方便	勤求於十力，處世而不住，無去亦無來，方便善說法。
		願	此忍最為上，了法無有盡，入於真法界，實亦無所入。
		力	菩薩住此忍，普見諸如來，同時與授記，斯名受佛職。
		智	了達三世法，寂滅清淨相，而能化眾生，置於善道中。
精進十波羅蜜	如幻忍	佛	世間種種法，一切皆如幻，若能如是知，其心無所動。
		法	諸業從心生，故說心如幻，若離此分別，普滅諸有趣。
		僧	譬如工幻師，普現諸色像，徒令眾貪樂，畢竟無所得。
		精進	世間亦如是，一切皆如幻，無性亦無生，示現有種種。
		禪定	度脫諸眾生，令知法如幻，眾生不異幻，了幻無眾生。
		般若	眾生及國土，三世所有法，如是悉無餘，一切皆如幻。
		方便	幻作男女形，及象馬牛羊，屋宅池泉類，園林華果等。
		願	幻物無知覺，亦無有住處，畢竟寂滅相，但隨分別現。
		力	菩薩能如是，普見諸世間，有無一切法，了達悉如幻。
		智	眾生及國土，種種業所造，入於如幻際，於彼無依著。

# 華嚴經十忍品之六

禪定十波羅蜜	如焰忍	佛	如是得善巧，寂滅無戲論，住於無礙地，普現大威力。
		法	勇猛諸佛子，隨順入妙法，善觀一切想，纏網於世間。
		僧	眾想如陽焰，令眾生倒解，菩薩善知想，捨離一切倒。
		精進	眾生各別異，形類非一種，了達皆是想，一切無真實。
		禪定	十方諸眾生，皆為想所覆，若捨顛倒見，則滅世間想。
		般若	世間如陽焰，以想有差別，知世住於想，遠離三顛倒。
		方便	譬如熱時焰，世見謂為水，水實無所有，智者不應求。
		願	眾生亦復然，世趣皆無有，如焰住於想，無礙心境界。
		力	若離於諸想，亦離諸戲論，愚癡著想者，悉令得解脫。
		智	遠離憍慢心，除滅世間想，住盡無盡處，是菩薩方便。
般若十波羅蜜	如夢忍	佛	菩薩了世法，一切皆如夢，非處非無處，體性恒寂滅。
		法	諸法無分別，如夢不異心，三世諸世間，一切悉如是。
		僧	夢體無生滅，亦無有方所，三界悉如是，見者心解脫。
		精進	夢不在世間，不在非世間，此二不分別，得入於忍地。
		禪定	譬如夢中見，種種諸異相，世間亦如是，與夢無差別。
		般若	住於夢定者，了世皆如夢，非同非是異，非一非種種。
		方便	眾生諸剎業，雜染及清淨，如是悉了知，與夢皆平等。
		願	菩薩所行行，及以諸大願，明了皆如夢，與世亦無別。
		力	了世皆空寂，不壞於世法，譬如夢所見，長短等諸色。
		智	是名如夢忍，因此了世法，疾成無礙智，廣度諸群生。
方便十波羅蜜	如響忍	佛	修行如是行，出生廣大解，巧知諸法性，於法心無著。
		法	一切諸世間，種種諸音聲，非內亦非外，了之悉如響。
		僧	如聞種種響，心不生分別；菩薩聞音聲，其心亦如是。
		精進	瞻仰諸如來，及聽說法音，演契經無量，雖聞無所著。
		禪定	如響無來處，所聞聲亦然，而能分別法，與法無乖謬。
		般若	善了諸音聲，於聲不分別，知聲悉空寂，普出清淨音。
		方便	了法不在言，善入無言際，而能示言說，如響遍世間。
		願	了知言語道，具足音聲分，知聲性空寂，以世言音說。
		力	如世所有音，示同分別法，其音悉周遍，開悟諸群生。
		智	菩薩獲此忍，淨音化世間，善巧說三世，於世無所著。
願十波羅蜜	如影忍	佛	為欲利世間，專意求菩提，而常入法性，於彼無分別。
		法	普觀諸世間，寂滅無體性，而恒為饒益，修行意不動。
		僧	不住於世間，不離於世間，於世無所依，依處不可得。
		精進	了知世間性，於性無染著，雖不依世間，化世令超度。
		禪定	世間所有法，悉知其自性，了法無有二，無二亦無著。



# 華嚴經十忍品之七

願十波羅蜜	如影忍	般若	心不離世間，亦不住世間，非於世間外，修行一切智。
		方便	譬如水中影，非內亦非外，菩薩求菩提，了世非世間。
		願	不於世住出，以世不可說，亦不在內外，如影現世間。
		力	入此甚深義，離垢悉明徹，不捨本誓心，普照智慧燈。
		智	世間無邊際，智入悉齊等，普化諸群生，令其捨眾著。
力十波羅蜜	如化忍	佛	觀察甚深法，利益群生眾，從此入於智，修行一切道。
		法	菩薩觀諸法，諦了悉如化，而行如化行，畢竟永不捨。
		僧	隨順化自性，修習菩提道，一切法如化，菩薩行亦然。
		精進	一切諸世間，及以無量業，平等悉如化，畢竟住寂滅。
		禪定	三世所有佛，一切亦如化，本願修諸行，變化成如來。
		般若	佛以大慈悲，度脫化眾生，度脫亦如化，化力為說法。
		方便	知世皆如化，不分別世間，化事種種殊，皆由業差別。
		願	修習菩提行，莊嚴於化藏，無量善莊嚴，如業作世間。
		力	化法離分別，亦不分別法，此二俱寂滅，菩薩行如是。
		智	化海了於智，化性印世間，化非生滅法，智慧亦如是。
智十波羅蜜	如空忍	佛	第十忍明觀，眾生及諸法，體性皆寂滅，如空無處所。
		法	獲此如空智，永離諸取著，如空無種種，於世無所礙。
		僧	成就空忍力，如空無有盡，境界如虛空，不作空分別。
		精進	虛空無體性，亦復非斷滅，亦無種種別，智力亦如是。
		禪定	虛空無初際，亦復無中後，其量不可得，菩薩智亦然。
		般若	如是觀法性，一切如虛空，無生亦無滅，菩薩之所得。
		方便	自住如空法，復為眾生說，降伏一切魔，皆斯忍方便。
		願	世間相差別，皆空無有相，入於無相處，諸相悉平等。
		力	唯以一方便，普入眾世間，謂知三世法，悉等虛空性。
		智	智慧與音聲，及以菩薩身，其性如虛空，一切皆寂滅。
本體十忍成就	本體	佛	如是十種忍，佛子所修行，其心善安住，廣為眾生說。
		法	於此善修學，成就廣大力，法力及智力，為菩提方便。
		僧	通達此忍門，成就無礙智，超過一切眾，轉於無上輪。
	力用	佛	所修廣大行，其量不可得，調御師智海，乃能分別知。
		法	捨我而修行，入於深法性，心常住淨法，以是施群生。
		僧	眾生及剎塵，尚可知其數，菩薩諸功德，無能度其限。
結會		菩薩能成就，如是十種忍，智慧及所行，眾生莫能測。	